

Fè Tès pou Kansè nan Kolon

Kisa kansè nan kolon ye?

Yo rele kansè nan kolon tou kansè kolorektal. Se kansè nan **kolon** an oswa **rektòm** lan.

Kimoun ki ta dwe fè depistaj?

Risk ou pou kansè nan kolon ogmante amezi w ap vyeyi. **Li enpòtan pou tout moun kòmanse fè depistaj pa pita pase laj 45 lane.** Kèk moun dwe fè depistaj pi bonè si yo gen “gwo risk”.

Kòman pou m konnen si m gen “gwo risk”?

Yo konsidere w gen “gwo risk” si w gen:

- Istwa pèsònèl oswa istwa famiyal pou kansè nan kolon.
- Maladi enflamatwa entesten (Inflammatory Bowel Disease, IBD) se yon gwoup maladi ki lakòz anflamasyon (doulè ak anfleman) nan tib dijestif ou. Sa gen ladan maladi Crohn ak kolit ilserez.
- Sendwòm jenetik koni oswa sispèk anrapò ak kansè nan kolon.
- Istwa pèsònèl polip ki gen pi gwo risk ke yo te retire nan kolon w lontan.

Kisa siy yo ye?

Kèk siy posib yo gen ladan:

- San nan pou pou w
- Doulè pèsistan nan vant
- Pèt pwa san rezon

Mwen santi m byen epi m pa gen okenn siy. Èske m dwe fè depistaj kanmenm?

Wi. Souvan pa gen **okenn siy bonè pou kansè nan kolon.** Se poutèt sa li tèlman enpòtan pou w fè tès.

Ki chwa mwen genyen pou tès?

Si w gen yon risk mwayen pou kansè nan kolon, ou ka fè yon **tès lakay** ou **ki baze sou pou pou** oswa yon **kolonoskopi**. Si yo konsidere w gen “gwo risk”, ou dwe fè yon **kolonoskopi**.

- Opsyon **tès ki baze sou pou pou** gen ladan: yon **tès FIT** fè yon **fwa pa ane** oswa yon **tès FIT-DNA (Cologuard)** ki fèt **chak 3 zan**. Ou ka fè tès sa yo fasilman lakay ou epi voye yo tounen nan laboratwa a pou yo teste yo. Tès sa yo chèche ti kantite san nan pou pou w. San an gendwa yon siy kansè. Si yo jwenn san, w ap bezwen yon kolonoskopi.
- **Kolonoskopi se yon tès yon doktè fè.** Doktè w la pral sèvi ak yon ti tib pou verifye si gen kansè oswa polip. Polip yo se kwasans ki ka tounen kansè apre yon peryòd tan.

Pale ak doktè CHN ou si w gen kesyon konsènan si pou w fè tès!

